



Referat frå medlemsmøtet 13. desember 2023, veke 50

President **Kjersti Hamborg Martinsen** opna møtet – der vi var 17 frammøtte – med å rose det vellykka arrangementet på Knutepunktet tidlegare på dagen, da klubben vår i samarbeid med Flyktningetjenesten feira Luciadagen i lag med ein stor flokk flyktningar i Bamble. Så heldt ho fram med eit dikt av Trygve Skaug frå heftet *Seine natt desember* – sjå ramma nedanfor.

Jeg synes marsipan er best
når den ser ut som en gris
jeg synes kake er best
når den ser ut som en engel
jeg synes frelsere er best
når de ser ut som barn
og jeg synes jula er best
når den ikke ser ut som en fremmed
men en som har vært her før

Presidenten nemnde også andre nylege tilskipingar – standen vår på Langesund torg 2. desember og spisemøtet med julemat og julesongbingo i Skougaards hus 8.12. Ho gratulerte Steinar Skilhagen med åremålsdagen 11.12.

Det var fleire Tigris-innlegg. **Tor Suhrke** fortalde at Langesund RK har mykje materiell lagra i Det gamle rådhuset. *Gea Norvegica Geopark* skal flytte inn – og vi må få våre saker ut. Inntil vidare tar Tor seg av dette, men han føreslo at klubben leiger lagerplass. Presidenten: Det finst fleire minilager i distriktet. – **Edrund Olaisen** hadde helsingar frå Halvor Thommesen og

Hans Jacob Beck. – **Rolf Heimdal** hadde nokre morosame ord om rolla si som *gjetar* i julevandringa for førsteklasingar i Stathelle kyrkje. No har han fått opprykk til *vis mann* i ei tilstelling på ungdomsskulen! – **Berit Midtgaard** hadde helsingar frå Theo Lippert – utvekslings-eleven vår i Mexico – og foreldra hans, som no besøker han der. Dei takkar Rotary for at Theo fekk dette høvet, og han stortrivst! Nedst på sida er bilete av Theo som Berit har sendt meg.

Resten av møtet gjekk til hovudprogrammet for dagen – **amerikansk auksjon**. Referenten var med på dette for første gong, og gledde seg like mykje som dei andre frammøtte. Det er ikkje meininga vi skal vite kven som har gitt kva, og mange av oss tok med oss heime mykje fint og godt. Men ein flott lastebil med ei vinflaske på lasteplanet er ikkje anonym – slikt er det berre Yngvar Lohne som lagar! Som biletet nede til høgre viser, var Geir Gjømle den heldige vinnaren. Vi gratulerer! Inntektene frå auksjonen ser ut til å ha blitt litt over 5000 kroner. Dette var siste møte før jul, så alle ønskte kvarandre ei god jul. 🎅👶🎄

Langesund, 14. desember 2023, **Rolf Theil**

